

## WAKTU SOLAT

Daerah Petaling dan kawasan yang sewaktu dengannya



<b>SUBUH</b>	<b>SYURUK</b>
05:51	07:08
<b>ZUHUR</b>	<b>ASAR</b>
13:15	16:20
<b>MAGHRIB</b>	<b>ISYAK</b>
19:19	20:28

## MUTIARA AL-QURAN



Dan di antara manusia ada yang mengorbankan dirinya kerana mencari keredhaan Allah semata-mata dan Allah pula Amat belas-kasihannya akan hamba-hambanya.

Surah Al-Baqarah ayat 207

Sebarang cadangan & komentar sila e mailkan kepada kami di: [suarapiu@yahoo.com](mailto:suarapiu@yahoo.com) atau, hubungi kami di:

PUSAT ISLAM UNIVERSITI,  
UNIVERSITI PUTRA MALAYSIA,  
43400 UPM SERDANG,  
SELANGOR DARUL EHSAN.  
TEL: 03-89468582  
FAKS: 03-89483742

## HEBAHAN &amp; MAKLUMAN



1. Imam / Khatib yang bertugas Juma'at minggu ini **06 September 2013 / 30 Syawal 1434H** : Dr. Aidh Abdullah Al-Qarni.

2. Sesi Bacaan al-Quran & terjemahan sebelum Solat Fardhu Juma'at , **Ayat 11 - 15 Surah as-Syura** yang akan disampaikan oleh **Ustaz Mohd Hafiz bin Ghazali** (Al-Quran) & (Terjemahan)

3. Sukacita dimaklumkan bahawa Pusat Islam Universiti, Universiti Putra Malaysia dengan kerjasama Akademi Furqan (NUHA GEMILANG RESOURCES) akan menganjurkan Bengkel Asas Tarannum Al-Quran 2013 pada 29hb September 2013 (Ahad) jam 8.00 pagi – 5.00 petang bertempat di Dewan Ibnu Sina, Pusat Islam Universiti, Universiti Putra Malaysia Yuran adalah sebanyak RM30.00 (Seorang). Kepada yang berminat, bolehlah mendaftar melalui Borang Pendaftaran Kursus dan Bengkel yang telah dilampirkan atau melalui Sistem Pendaftaran Online Pusat Islam Universiti [www.sppi.upm.edu.my](http://www.sppi.upm.edu.my). Untuk Maklumat lanjut tuan/puan bolehlah menghubungi Pejabat Am Pusat Islam UPM (03-8946 8582). Borang yang telah dilengkapkan hendaklah dihantar ke Pejabat Am Pusat Islam Universiti atau fakskan ke 03-8948 3742. Penyertaan terbuka kepada semua warga UPM dan masyarakat setempat.

4. Pusat Islam Universiti, UPM dengan kerjasama Kariah Serdang akan mengadakan Majlis Program Korban & Akikah 1434H / 2013M pada 15hb Oktober 2013M bersamaan dengan 10 Zulhijjah 1434H (Selasa). Borang penyertaan boleh didapati di pejabat Am Pusat Islam Universiti, UPM. Harga untuk satu bahagian lembu bagi tahun 2013M/1434H adalah RM 430.00 (RINGGIT MALAYSIA : EMPAT RATUS TIGA PULUH SAHAJA).

## JADUAL KULIAH MINGGUAN MASJID

SEPTEMBER 2013		
6	JUMAAT	Bidayatul Hidayah : Ust. Nor Azman bin Mohamed
7	SABTU	<b>Kuliah Subuh</b> Hadis 40 : Dr. Abd. Rahman bin Mahmod <b>Kuliah Maghrib</b> Al-Quran dan Tajwid : Ust. Wan Hilmi bin Wan Abdullah
8	AHAD	<b>Kuliah Subuh</b> Amalan Sepanjang Hayat : Ust. Hj. Yusof bin Abas <b>Kuliah Maghrib</b> Hadith Qudsi : Ust. Hj. Ahmad bin Hasbullah
9	ISNIN	Rehlah ila Daar Al-akhirah : Prof. Madya Dr. Hj. Fauzi bin Muhammad
10	SELASA	Riyadh al-Solihin : Prof. Madya Dr. Hj. Wahab bin Md. Salleh
11	RABU	Bidayatul Hidayah : Ust. Hj. Yusof bin Abas
12	KHAMIS	Bacaan Surah Yasin

مِمْبَارُ بَطْرَا

# Mimbar Putra



RISALAH JUMAAT MINGGUAN MASJID UNIVERSITI PUTRA MALAYSIA

Mimbar Putra/19/2013

## " TUNTUTAN TAUBAT DAN KEINSAFAN "

(Petikan Khutbah JAIS)

SEDUTAN KHUTBAH



Setiap umat Islam adalah dituntut supaya sentiasa melakukan taubat kepada Allah SWT. Taubat bermaksud kembali menyerahkan diri dan mentaati perintah Allah SWT yang Maha Pengempun lagi Maha Penyayang. Ia merupakan suatu natijah daripada penyesalan seorang hamba yang telah terjerumus melakukan kesalahan dan dosa terhadap Allah SWT. Tuntutan taubat ini terkandung di dalam firman Allah SWT sebagaimana disebutkan di dalam surah al-Tahrim ayat ke 8 yang bermaksud :

*"Wahai orang-orang yang beriman! bertaubatlah kamu kepada Allah dengan "taubat nasuha", Mudah-mudahan Tuhan kamu akan menghapuskan kesalahan-kesalahan kamu dan memasukkan kamu ke dalam syurga yang mengalir di bawahnya beberapa sungai..."*

Melalui ayat ini, Allah SWT telah menyeru umat manusia agar segera bertaubat kepada Allah SWT dengan taubat nasuha. Bertaubat kepada Allah SWT dapat menghilangkan dosa-dosa yang telah kita lakukan. Bahkan, tujuan bertaubat itu sendiri adalah supaya Allah SWT mengampunkan dosa-dosa kita dan akhirnya kita akan dimasukkan ke dalam syurga-Nya. Namun begitu, taubat yang dapat menghilangkan dosa-dosa kita mestilah dilakukan dengan memenuhi empat syarat yang utama iaitu ;

1. Orang yang bertaubat mestilah menyesal dengan bersungguhsungguh terhadap kesalahan yang telah dilakukannya.
2. Berhenti dengan serta merta daripada melakukan semula kesalahan tersebut.

3. Berazam untuk tidak mengulangi kesalahan yang telah dilakukan.
4. Sekiranya kesalahan tersebut dilakukan terhadap sesama manusia, maka hendaklah dia memohon maaf kepada orang tersebut.

Sidang Jumaat Yang Dirahmati Allah, Bagimanakah cara bertaubat yang betul? Taubat bukanlah sekadar perkataan sahaja tetapi sebaliknya perlu disertai dengan keinsafan dan penyesalan kerana taubat yang tidak disertai dengan keinsafan dan penyesalan di dalam hati tidak akan dianggap sebagai taubat nasuha.

Firman Allah SWT dalam surah al-Nisaa' ayat ke 18 yang bermaksud :

*"Dan tidak ada gunanya taubat itu kepada orang-orang yang selalu melakukan kejahatan, hingga apabila salah seorang dari mereka hamper mati, berkatalah ia: "Sesungguhnya Aku bertaubat sekarang ini", (sedang taubatnya itu sudah terlambat), dan (demikian juga halnya) orang-orang yang mati sedang mereka tetap kafir. orang-orang yang demikian, Kami telah sediakan bagi mereka azab seksa yang tidak terperi sakitnya..."*

Ayat di atas menyatakan bahawa terdapat tiga golongan yang mana apabila mereka bertaubat, maka Allah SWT tidak menerima taubat mereka. Tiga golongan tersebut ialah:

1. Orang yang sering mengulangi kesalahannya selepas bertaubat.
2. Orang yang bertaubat ketika sudah hampir dengan kematian dan apabila tanda-tanda besar hari Kiamat telah muncul.
3. Orang yang mati dalam kekafiran.

Golongan-golongan ini bukan sahaja tidak diterima taubat mereka, bahkan Allah SWT telah menyediakan azab seksaan yang amat pedih di hari akhirat kelak